

Comedia. Die gantze hystori der Hester zu recedirn, hat xiiij person unnd drey actus.

Der ernhold tritt ein, neygt sich unnd spricht:

- Fried, gnad und heil von Gott voran
 5 Sey dem küncklichen schloß Susan
 Versamlet mit den edlen vesten
 Unnd ausserwelten werden gesten!
 Gott hat euch wol zusammen bracht,
 Dieweil noch heint auff diese nacht
 10 Zu euch wirt eingehn der großmechtig
 König Ahaschweros, der reich, prechtig,
 Welcher regirt von India
 Biß hin in Ethiopia
 [K 1, 51] Gewaltigklich mit seiner hand
 15 Hundert und sibn und zwaintzig land,
 Auß den seinr mayestat genaden
 Die obersten fürsten geladen
 Hat, her in den köstlichen sal
 Zu einem künigklichen mal.
 20 Da wirt sich herrlich ding begeben.
 Nun schweiget stil und mercket eben!
 Ietz kumbt der künig zum wol-leben.

Der ernhold geet ab. Hie trit ein der ernhold mit dem künig, swen fürsten, dem hoffmeister Amnon, swen kemmerling unnd dem narrn. Der künig spricht:

Ir liebn getrewen, setzt euch zu tisch!

*

1 BC Comedia von der Hester, die gantze history zu recediern. O recitiren. 8 BC Herolt. 11 B Assuerus. 16 B seiner Mayestat gnaden. 18 A sa. 23 BC tritt der Ehrenhold eyn mit dem König.

Seyt guter ding und lebet frisch!
 Hernach wöll wir dantzen und stechen,
 Manch ritterliches sper zerbrechen,
 Allerley kurtzweil fahen on.
 5 Was ieder wil, das mag er thon.
 Das sol weren auff siben tag.
 Heintz, sprich, das man zu tisch auff-trag!

Der narr:

Herrle, du sagest gute mehr.
 10 Der magen ist mir worden lehr
 Und hub mir lengest an zu brummen.
 Ich will die truchses heysen kummen.

Der narr laufft ab. Der künig spricht:

Ir mechtigen fürsten und herren,
 15 Ir seydt zu mir kummen auß ferren
 Landen als mein trewe regenten,
 Ein küniglich gastung hie zu enden.
 Got hat mir geben gwalt und ehr
 Und reichthumb wie der sand am meer,
 20 Darzu das allerschönest weib,
 Englisch geliedmasirt von leib,
 In schön fürtreffend alle frawen.
 Die wil ich euch auch lassen schawen.
 Ir kemmerling, geet! heist zu mir
 25 In irer küniglichen zir
 Vasti die künigin kummen her!
 Sprecht, es sey entlich mein beger!

**Der hoffmeister und zwen kemmerling geen nach der künigin;
 der herolt spricht:**

30 O großmechtiger künig und herr,
 Ich hab durchzogen weit und ferr
 Vom auffgang biß zum nidergang
 Gar mannich künereich preid und lang
 [ABC1, 25] Und fand doch nindert dein geleich.
 35 Got der wöll mehren dein künereich
 Mit weißheit und gerechtigkeit

*

4 BC an: than. 30 BC Kōng. 32 BC zu. 35 BC mehrn d. Kōnigreich.

Von ietz an zu ewiger zeit!

Der hoffmeister, kemmerling und narr kummen; der hoffmeister
spricht:

O großmechtiger herr und keyser,
5 Der welt gebieter und durchreyser,
Die künigin Vasti wil nit kummen.

Der narr spricht:

Sie thet heymlich herwider brummen,
Het dort bey ir der weyber vil,
10 Umb dich gebs nit ein byren-stil,
Nach unghorsamer weyber sitt.

[K 1, 52]

Der künig spricht:

Wie? wil sie zu mir kummen nit?
Nun rathet zu, ir herren, frey,
15 Wie die künigin zu straffen sey,
Und suchet den gesetzen nach,
Weyl sie mir hat gethon die schmach!

Der ein fürst spricht:

O künig, vermerck die sachen recht!
20 Die frau hat nit allein geschmecht
Dein künigkliche mayestat,
Sunder sie ist durch diese that
Allen fürsten in deinen landen
Ein fürbild zu laster und schanden.
25 Wo das die weyber werden hörn,
Werden sie sich der-gleich entpörn
In unghorsam gegn ihren mendern
Forthin in allen deinen lendern.
So oft der künigin wirt gedacht,
30 Werden die mender gar veracht.
Wie wird ein zancken und ein hadern!

Der narr spricht:

Was darfst du von den weybern dadern?
Ich ritt, ihr list es gütlich gschehen.

17 BC gethan. 19 BC Kōng. 27 BC Mennern. 29 BC Kōngin.
30 BC Männer. 33 B tadern. C schnadern. 34 BC rieth.

Ir habt die schantz lengst ubersehen,
 Weyl es ist worden gar gemein,
 Das iede herr im hauß wil sein,
 Und hat geweret lange zeyt
 5 In allen lenden weyt und breyt.
 Was wölt ihr denn ietz newes machen?

Die fürsten stossen die köpff zusam. Der künig spricht:

Ir liebñ getrewen, greiff zu den sachen,
 Zu straffen diese ubelthat!
 10 Der grim mich übergangen hat.

Der ander fürst spricht :

O künigkliche mayestat,
 Erfunden haben wir im rat,
 Weyl sie hat dein person verletzt,
 15 Das die künigin werd abgesetzt
 Von irer künigklichen ehr
 Und das sie forthin nimmer mehr
 Zu dir kumb, und ir wirdigkeyt
 Wird an ein ander weib geleyt,
 20 Demütig schon ob allen weiben.
 Darnach soll man die that außschreyben
 In deine künigreich und land,
 Dem stoltzen weib zu einer schand,
 Auff das die weiber durch dein lender
 25 In ehren halten ihre mender,
 Gehorsam sein und undterthon,
 Das eim bidr-weyb ist wol an-ston.

Der künig spricht:

Der rath gefelt mir hertzlich wol.
 30 Die brieff man verfertigen sol,
 Das der mann sein soll herr im hauß.
 Hoffmeister, richt es örndlich auß!

Der hoffmeister geet ab. Der narr spricht:

Ich laß euch wol mandat außschicken.
 35 Ir werd den beltz nit gar zuflicken,

Den Simon werdt ir nicht vertreybn,
 Er wirdt dennoch herr im hauß bleibn.
 Wölt ihrn aber mit gwalt uberkriegen,
 So müst ihr all allein liegen.

Der hoffmeister kumpt unnd spricht zum kemerling:

Ir kemerling, laufft in cantzley!
 [K 1, 53] Da find ir brieff und gelt darbey.

**Die kemerling oder trabanten geen ab. Die fürsten sprechen
 zusam; der erst fürst spricht:**

10 Den künig thut die künigin dawren.
 Er sitzt dort in unmut und trawren.
 Ein andre geb mir, der gemeß,
 Seinr mayestat, das er vergeß
 Der ersten und sein trawren laß!

15 **Der ander fürst spricht:**

Wir wöllen ihm fürhalten das.

Sie dretten zu im. Der erst fürst spricht:

Großmechtiger künig, die nacht
 Hab wir beratschlagt und bedacht:
 20 Du solt in deinem reich lassen schawen
 Nach adelich schönen jungkfrauen,
 Die man her-bring ins frauen-zimmer,
 Das man sie zier und schmucke immer;
 Welche dem künig denn gefall,
 25 Die sey denn künigin für die all!

Der künig spricht:

Der rat gefelt mir aller ding.
 So schaff, das man junckfrauen bring
 Von gutem adel, hohen stamen,
 30 Undadelich, von tugentsamen
 Eltern und von gutem namen!
 Sie geen alle ab.

Actus II.

Mardocheus tritt ein mit der Hester, zu der spricht er heymlich:

O Hester, züchtig, keusch und frumb,
 Mit mir ins frawen-zimmer kumb
 5 Und sag niemand in dieser frist,
 Das du eins Juden tochter bist!
 Sey gotfürchtig! thu Got vertrauen
 Und bleib bei anderen junckfrawen
 Demütig, still, messig und gütig,
 10 Schamhaft, einzogen und senfftütig,
 Biß das der künig nach dir send!
 Wer weiß, was Got mit dir volend?

Hester hebt ihr hend auff unnd spricht:

Mardoche, lieber vetter mein,
 15 Ich wil dir gantz gefolig sein.
 Mein zufucht ist zu Gott und dir.
 Ich bitt, du wölst halten ob mir,
 Weyl ich sunst niemand trewes hab.
 Mein eltern giengen mir zeytlich ab.
 20 Des bin ich ein elender weyß.

Mardocheus spricht:

Ich hoff, du thust ein gute reyß,
 Wann Got der wirt mit dir sein immer.
 Kumb! laß uns gehn ins frawen-zimmer!

**Sie geen beyde ab. Der künig geet ein mit dem herolt und
 hoffmeister und spricht:**

Vasti, die künigin, ist außtrieben.
 [K 1, 54] Habt ihr in meim reich außgeschrieben
 Nach jungkfrawen an alle ort?

30 **Der hoffmeister spricht:**

[ABC 1, 26] O künig groß, nach deinem wort
 Hab wir manch schöne junckfraw zart
 Im frawen-zimmer wol bewart
 Auß allen landen hergenummen.

Der künig spricht:

So geet und heist mir eine kummen,
 Das mir mein leyd geringert werd,
 Weil ich mit trawren bin beschwert!

Der hoffmeister und herolt geen ab. Der narr spricht:

Herrlein, thu dich ein wenig schemen!
 Wilt du wider ein frawen nemen?
 Hat dich die erst vor nit gewitzigt?
 Ist dein hertz widerumb erhitzigt
 10 In lieb? schaw! dort kumpt dein lucern,
 Die leuchtet als der morgen-stern.

**Der hoffmeister und herolt kummen. Hester geen swo jungk-
frawen nach. Der künig spricht, weil sie her geht:**

Ach Gott, wie ausserwelt und zart,
 15 Wie schön und adelicher art
 Ist Hester, die jungkfraw, gezirt,
 Außbündig wol geliedmasirt,
 Sitlich, züchtig, guter geper!
 O Hester, setz dich zu mir her!
 20 Nemb hin die künigklichen kron!
 Für all ich dich erwelet hon.
 An Vasti stat, der künigein,
 Solt du beleiben alzeit mein.

**Hester neygt sich, entpfecht die kron, setzt sich sum künig
25 unnd spricht:**

O künig großmechtig und herrlich,
 Dein adl und kron ist mir zu ehrlich,
 Dein gnad und gunst ist mir zu hoch,
 Dein wird zu groß; aber iedoch
 30 Ergib ich mich zu eigen dir.
 Dein guter will geschech an mir!

Der künig spricht:

Setzt euch zu tisch, ihr lieben herrn,
 Auß allen landen nach und ferrn!
 35 Ein neue hochzeit wöll wir haben
 Und alles hertzen-leyd vergraben.

*

Sie setzen sich zu tisch. Mardocheus kumpt, redt der künigin
in ein ohr unnd die künigin spricht:

O künigkliche mayestat,
Mein vetter mir gesaget hat,
5 Wie ir habt an dem hoff zwen mon
Mit namen Theres und Bigton,
Haben heymlich gemacht den pagt,
Auff morgen frü, und eh es tagt,
Wöln sie ewer mayestat erschlahen.

10 Der künig spricht:
Hoffmeister, laß die bößwicht fahen!
Und find man bey in solche schwenck,
Schaff, das man sie an baumen henck!

Sie steen auff vom tisch. Der hoffmeister geet.ab. [K 1, 55]

15 Der narr spricht:
Herrle, schaw umb! bey meiner ehr
Du findest der bößwicht wol mehr,
So deinem leib und reich nach-steln.
Hüt dich vor den, die schmeicheln wölln!

20 Die künigin geet ab. Der künig spricht:
Ir herrn, vermerkt! der fürst Hamon
Sol sein der nechst bey meinem tron.
Vor ihm ir biegen solt die knie.
Das gebeut ich euch allen hie.

Der künig geet ab. Hie schwantzt Haman auff und ab, sie
neygen sich all, biß on Mardocheum, der bey der pforten sitst.

Ein kemmerling spricht:
Haman, du durchleuchtiger fürst,
Mardocheus, ein Jud gedürst,
30 Der beugt seine knie nit vor dir.
Das ist auff glauben wißlich mir.

Haman, der fürst, spricht:
Ey bin ich ihm allein nit gut?
Ich will ihm legen sein hochmut,

Diesem fremdling auß Babylon,
 Dem stoltzen eygensinning mon.
 Doch sol er sterben nit allein,
 Sunder all Juden in gemein,
 5 So mein volck der Amalekiter
 Vor haben außgereret bitter.

**Haman geet wider für Mardocheum, unvereret; er speyet auß.
 Der narr spricht:**

Schaw einr dem stoltzen lecker zu!
 10 Wie hat der narr so wenig rw!
 So ihn nicht ehrt der alte mon,
 Fieng er geren ein hader on.

**Der künig geet ein. Haman neigt sich vor dem künig unnd
 spricht:**

15 Herr künig, es sind etlich leut
 In deinem gantzen reich zerstreut,
 Die haben ein besundern got,
 Halten nicht dein gsetz noch gebot,
 Sunder haben ir eygen gsetz,
 20 Sind gar eins andern sins zuletz.
 Taug nicht, das man sie laß beleiben.
 Gefelt es dir, so laß man schreiben,
 Das man sie erwürg auff ein tag.
 Nicht leichter mans außreutten mag,
 25 Eh das sie dir ein auffrur machen.
 Rätt dein mayestat zu den sachen,
 So will ich in dein schatz darneben
 Dir zehen zentner silbers geben.

Der künig geyd Haman seinen rjng und spricht:

30 Haman, so hab dir mein betschier!
 Diß volck gib ich zu eigen dir.
 Auch sey das silber in deinr hend!
 All ding nach deinem willen end.

Der narr spricht:

35 O herrlein, wie bist du ein kind!

[K 1, 56] Der neyd hat den gemachet blind.
 Darumb will er ein lerman machen.
 Du schawest wol baß zu dein sachen
 Und glaubst nit iedem schmeichler, was
 5 Er dir zu-bließ, erfürst dich baß.
 Weißt nit? man jach vor alten zeitten,
 Ein geher man solt esel reyten.

Hamon geyd den kemerling brieff unnd spricht:

Geht! schafft botten in alle grentz,
 10 Zu verkünden diesen sententz,
 Das man am dreyzehenden tag
 Des monats Adar zu tod schlag
 Alle Juden, kind, weib und mon.
 Auch solt ihr ein brieff schlagen on
 15 Hie zu Susan in diesem schloß.
 Heist eylen bald! die sach ist groß.

Der ein kemerling schlecht ein mandat an die thür. Mardocheus list den und spricht:

O weh, weh, Juda! uber klag!
 [ABC 1, 27] Sol wir sterben auff einen tag
 On schuld und recht durch den Hamon,
 Durch neid, auß hoffart uns gethon,
 Das ich kein reverentz im thu,
 Welche meim Got gehöret zu?

Mardocheus geet weynend ab. Hester geet ein mit iren jungkfrauen. Die ein jungkfrau spricht:

Gnedige frau, ir sollet wissen:
 Mardocheus der hat zerrissen
 Sein kleyd und hat auff seinem nack
 20 In klag angethun einen sack
 Und hat aschen auff seinem haubt
 Und weynet sehr; mir sicher glaubt!

Hester spricht trawrig zu eim kemerling:

Hatoch, zu Mardocheo geh!
 25 Erforsch sein hertzenleyd und weh,

6 BC sagt. 8 BC gibt dem. 30 BC angethan. 34 BC Hatoch.

Warumb er antrag des klag-kleid!
Der ding mich widerumb bescheid!

Der kemerling geet ab. Der narr spricht:

Ir machet heint sehr viel cramantzen.
5 Ich wolt gern mit den zenen dantzen,
So wil der koch nit richten on.
Ich wolt, er solt sanct Urban hon.

Hatech, der kemmerling, kumpt wider und spricht:

O Hester, Mardocheus klagt,
10 Wie Hamon hab sehr hart verklagt
Das gantz volck des judisch geschlecht,
Sey in des künigs höchster echt,
Die sollen noch in kurtzen tagen
In all seym reich werden erschlagen.
15 Derhalb solt du zum künig gon
Und ein bitt für die Juden thon.

Hester schleust ihr hend zusam, schawt gen hymel unnd spricht :

O weh der angst und grosen not!
Laß dichs erbarmen, lieber Got,
20 Das dein lieb volck an schuld sol sterben,
Auff einen tag semptlich verderben,
Durch eines mannes falsche klag!
Geh hin und Mardocheo sag,
[K 1, 57] Geh ich unbhrüfft zum künig ein,
25 So kostet es das leben mein!
Er weiß wol des künigs gesetz.

Der kemerling spricht :

Mardocheus sagt mir zu letz,
Du solt ansehen nit dein leben.
30 Vileicht seyst du zu rettung geben
Dem gantzen jüdischen geschlecht
Von Got auff diese zeit gerecht;
Derhalb solt du zum künig gan.

Die künigin Hester spricht :

7 C Vrben. 20 BC on. 25 BC kost es mir. 28 C letzt. 29 BC nicht
ansehen.

So geh! sag Mardocheo an,
 Das er die Juden durch sein red
 Vermon zum vasten und gebet!
 Dergleich ich und die jungkfraw mein
 5 Wöllen anruffen Gott allein
 Umb hilff für unser volck zu thon.
 Darnach will ich zum künig gon,
 Ob ich meim volck möcht gnad erwerben,
 Das sie nit so ellend verderben,
 10 Gelt mir gleich leben oder sterben.
 Sie geen alle ab.

Actus III.

Der künig geet ein mit all seinem hoffgesind unnd setzt sich.
 Der narr spricht:

15 Ir herrn, wie seyd ir all erschluchst?
 Ist keiner undter euch, der juchst?
 Het ich mein pfeiffen, ich wolt euch machen
 Ein hoffrecht, das ir all müst lachen.

Hester, die künigin, kumpt mit ihren hoff-jungkfrawen; der
 künig sieht sie ernstlich an, sie senckt sich zu seinen füßen;
 der künig reicht ir sein scepter und spricht:

Ach Hester, künigin, was ist dir?
 Besorg dich keins argen gegn mir,
 Das du unbhruffen kummen bist!
 25 Diß gsetz den undtern geben ist
 Und nicht dir, welche du regirst,
 Mit mir in meim reich gubernirst.
 Sey frölich und sag dein begern!
 Der wil ich dich frölich gewern
 30 Biß an das halbe künig-reich.

Hester rürt den scepter an, steet auff unnd spricht:

O künig groß gewaltigleich,
 Bald ich ansach dein zier dermassen,
 Wart ich von meinem geist verlassen,
 35 Abkrefftig meiner seel verzigen.

Derhalb kan ich dir mein anliegen
 Auff diese stund ietz nit erklern
 Und ist allein ietz mein begern,
 Das du und mit dir der Hamon
 5 Heint wölt zu meinem nachtmal gon.

Der künig spricht:

O Hester, auß der massen gern.
 Kumb, Hamon! laß uns sie gewern!

Der narr spricht:

10 Essen, drincken und panckatirn
 Lob ich für rennen und thurnirn,
 Für dantzen und für sayten-spil.
 Der keines frewet mich als vil.

[K 1, 58] Der künig beut ihr die hend unnd geet mit ihr ab.
 Hamon geet hin unnd her, von Mardoche doch unvereret; redt
 mit ihm selb:

Der küng hat mich erhöcht in ehren,
 Die künigin thut mein wird auch mehren,
 Das ich allein soll mit ir essen.
 20 Noch ist mein hertz mit leyd besessen,
 Weyl ich den Juden vor mir sie,
 Der vor mir nit beugt seine knie.
 Der küng thut mir in geren schencken,
 Das ich in an ein baumb laß hencken
 25 In mein hauß fünffzig klaffter hoch,
 Welcher ist zu-bereytet doch.

Mardocheus geet ab. Der narr spricht:

Wie bist du nur so ehren-siech?
 Du bist ein grösser narr, wann ich.
 30 Du hast groß ehr und wilt noch mehr.
 Schaw, das sich nit dein glück verker!

**Hamon geet ab. Der künig mit zweyen kemerling kumbt, setzt
 sich in stul und thut, samb wöll er natsen, und spricht:**

Ir diener, leset mir allda .

Ein weyl in meiner cronica
 Ein historia aber zwu,
 Ob mir giengen die augen zu.

Der kemerling thut ein buch auff unnd list:

5 In nahet kurtz verschiene tagen
 Wolten küniglich mayestat erschlagen
 Zwen kemerling Theres und Bigton.
 [ABC 1, 28] Das selb wurd dir gesaget on
 Durch Mardocheum zu gedencken.
 10 Da list du die zwen bößwicht hencken.
 Also thetst du dein tod versehen.

Der künig spricht:

Was guts ist Mardocheo geschehen,
 Das er mich behielt bey dem leben?

15 **Der kemerling spricht:**

Kein gabe wart im darfür geben.

Der künig spricht:

Schawt naus! wer thut im hoff umbgon?

Der ander kemerling schawt hinaus und spricht:

20 Gnediger herr, es ist Hamon.

Der künig spricht:

Geh bald! heiß ihn zu mir herein!

Der kemerling schreyt hinaus:

Hamon, geh zu dem künig rein!

25 **Hamon kumpt; der künig spricht:**

Was sol man thun (sag an, Hamon!)
 Eim mann, dem der künig wil thon
 Ein grosse ehr und reverentz?

Hamon neygt sich unnd spricht:

35 Da soll der künig im eylentz

2 ? ader. K oder. 6 BC Woltn. 13 BC gschehen.

[K 1, 59] Sein küncklich purpur anlassen thon
 Und auffsetzen sein küncklich kron
 Und darnach setzen auff sein pferd.
 Darnach deß künigs fürste werd
 5 Soll in durch-füren alle gassen,
 Unden vorher außschreyen lassen.
 So wirt man ehren einen mon,
 Dem der künig ein ehr wil thon.

Der künig spricht:

10 Hamon, dein rath gefelt mir wol.
 Das man auch also enden sol.
 Geh hin, Hamon, und nemb eylentz
 Kleyd, kron und pferd mit reverentz!
 Für den Juden Mardocheum
 15 Auff mein pferd in der stat herumb
 In aller weiß, von dir geredt!

Hamon nimbt kleyd, kron, geet hinaus; der künig geet im
 nach. Der narr spricht:

Gesell, du hast dsach ubersehen.
 20 Du meinst, dir solt die ehr geschehen.
 Wie schmecken dir nun diese mucken?
 Du must dich vor dem Juden bucken.
 Du thetst dich heut nit recht gesegnen.
 Es wirt dir schir auff armbrost regnen.

Der narr sticht ihm ein gecken hinden nach, und geen alle ab.
 Die künigin Hester kumpt mit iren jungkfrauen, bereyten den
 tisch; sie spricht:

Schawt, das all ding sey in dem sal
 Zu diesem künigklichen mal,
 30 Weyl der künig wirt kummen heint
 Mit Hamon, aller Juden feind!

Die ander jungkfraw spricht:

Fraw, ewer gnad nit sorgen sol!
 Alle ding sind geordnet wol
 35 Und zu-gerüstet auff das best.

Kemen nur schir die werden gest!

Der künig geet ein mit Hamon, beut der künigin die hand
unnd spricht:

Gegrüest seist, Hester, die schön!

5 Dein lob für alle weib ich krön
Zu deinem nachtmal kum ich her.
Sag! was ist dein bitt und beger?
Das soll dir werden als geleich
Biß an mein halbes künig-reich.

Die künigin Hester felt auff ihre knye unnd spricht mit auff-
gehabten henden:

O künig, so ich zu den stunden
Vor dir gunst und genad hab funden,
So bitt ich, künig, du wölst geben
15 Mir und meinem volck unser leben,
Wann wir sind verkaufft mit beschwerden,
Das wir sollen erwürget werden.
Wolt Got, wir werden doch bescheyden
Verkaufft zu knechten und zu meyden!
20 So begeret ich nit der gnaden
Und möcht der feind dem künig nit schaden.

Der künig geseget sich unnd spricht:

Hester, du sagest frembde mehr.
[K 1, 60] Zeyg mir an! wer und wo ist, der
25 Solch übel zu verbringen meint?

Hester seygt auff Hamon und spricht:

Der widersacher und groß feind
Ist dieser boßhafftig Hamon.
Der will an uns das übel thon.

30 Der künig spricht:

Der?

Sie sagt:

Ja er.

18 BC würden.

Der künig hebt die künigin auff, geet zornig zu der thür
hinauß. Hester setzt sich nider. Hamon felt der künigin zu
fuß, hebt seine hend auff und spricht:

O fraw, genad mir meines lebens!
5 Ich fürcht, all mein bitt sey vergebens.
Der künig ist ergrimmet sehr.
O meines gwalts! o meiner ehr!
Das alles will ich über-geben,
Das ich erhalten möcht das leben.
10 O Hester, künigin, bitt für mich!

Die künigin Hester spricht:

Dein untrew die kumb uber dich!
Dir gschech nach deiner übelthat!
Dein hoffart dich verführet hat.

Der künig kumbt mit all seinem hoffgesind unnd spricht:

Schaw nur einer zu dem bößwicht,
Der mir vor meinem angesicht
Die künigin auch ermören will
In meim hauß! ist das nit zu viel?

Man verhület Hamon sein angesicht; der ein kemmerling
spricht:

Herr künig, Hamon hat zu nacht
Nechten in seim hauß auffgemacht
Ein baumen fünffzig elen hoch,
25 Daran er meint zu hencken noch
Mardocheum, den frummen mon,
Der dem künig viel guts hat thon.

Der künig spricht:

So füret den bößwicht hinnauß
30 Und henckt in in sein eygen hauß
An galgen, den er nechten spat
Eim andern auff-gerichtet hat!

Die kemmerling binden Hamon; der narr spricht:

Ich wolt dirs vor wol gsaget habn,

*

Du wurst dir selb ein gruben grabn
 Und wurdest selber darein fallen.
 [ABC 1, 29] Gschech solchs den ohrenblasern allen,
 Die frumb leut in den kessel hawen,
 6 Ich wolt selber ein galgen bawen
 Und strick umb dise kappen kauffen,
 Solt ich ein monat nacket lauffen.

Man fñrt Hamon auß. Der kñnig spricht:

Hester, nun schenck ich dir vorauß
 10 Hamon, der Juden feindes, hauß
 Mit all seiner reichthumb und hab,
 [K 1, 61] Der dich vermeint zu tilgen ab.

Der narr spricht:

O kñnig, wolst mein auch gedencken
 15 Und mir sein rotte stifel schencken!
 Die wolt ich nur an feyer-tagen
 Den armen tropffen darinn klagen.

Mardocheus tritt ein. Hester spricht:

Schaw, kñnig! dieser mann allein
 20 Der ist der liebe vetter mein,
 Der dich erhalten hat beym leben.
 Dem wölst gnad vor dein augen geben!

**Der kñnig gibt Mardocheo sein ring, kron und ein kleyd,
 gelb und weiß, und spricht:**

25 Mardocheus, mein trewer mon,
 Seh hin mein finger-ring und kron!
 So hab die kñngklich kleydung dir!
 Nun solt du sein der nechst bey mir.

**Hester, die kñnigin, felt auff ihre knie, spricht mit auffgehoben
 30 henden:**

O kñnig weiß, gerecht und gütig,
 Barmhertzig, trew, mild und senftmütig,
 So ich gnad bey dir funden hab,
 Bitt ich, du wöllest kñnden ab

Die falsch practic, so der bößwicht
 Amon het heymlich zugericht.
 Und schreib brieff in all deine lender,
 Das man Juden, frawen und mender,
 5 Nit so unschuldigklich todschlag
 Ellend am vorbestimpten tag!
 Wie möcht ich ansehen die not,
 Das mein geschlecht würd außgerot?

Der künig reicht ihr den scepter, sie steet auff. **Der künig**
 10 spricht :

Nun schreybet selb brieff, wie ihr wölt,
 Für die Juden, wie euch gefelt,
 Eim ieden land in seiner sprach,
 In meiner cantzeley! darnach
 15 Undter dem künigklichen namen
 Versigelts mit meim ring alsamen,
 Das alt mandat zu revocirn,
 In solcher maß zu declarirn,
 Wie der künig durch schmeychlerey
 20 Hindterlistig beredet sey
 Durch Hamon, der schon sey gericht!
 Derhalb sey ab und gelt es nicht,
 Das man die Juden sol erstechen,
 Sunder ieder Jud sol sich rechen
 25 An seinen feinden, wo er mag,
 Auff den vorig bestimbten tag!
 Sollich brieff schickt durch reytend mender
 In hundert sibn und zweintzig lender!
 Solch herrliche mandate groß
 30 Schlacht an auch in Susan, dem schloß!

Mardocheus geyd den kemmerling etlich brieff und spricht :

Sucht und heist reitten etlich mender
 Mit brieffen hin in alle lender,
 So unserm künig zu gehörn,
 35 Das jüdisch volck nit zu ermörn.

Die zwen kemmerling geen mit den brieffen ab, **Mardocheus**

reist das mandat ab unnd schlecht ein anders an; der hoffmeister kumpt zum künig, redt heymlich mit ihm. [K 1, 62]

Der künig spricht:

Hester, der hoffmeister zeygt on:
 5 Erschlagen sind fünffhundert mon
 In unserm schloß der Juden-feind
 Von den Juden; daraus erscheint:
 Die zehen sün auch sind erschlagen
 Hamans, der euch vor thet verklagen.
 10 Was ist nun weytter dein beger?

Hester, die künigin:

Wens dem künig gefellig wer,
 Wolt ich, das man zu eym gedencken
 Des Hamans zehen sün solt hencken
 15 An baumen, welchen der boßwicht
 Zum Juden-galgn het auffgericht.

Der künig spricht:

Ja deß solt du auch sein gewert
 Und alles, was dein hertz begert.
 20 Geet! heist sie hencken an ein baum,
 Das sich ir schande nit versaum!

Der hoffmeister geet ab. Ein kemerling bringt ein brieff zu dem künig, kust ihn und spricht:

Gnediger herr, mir gab den brieff
 25 Ein bot, der auß Moren-land lieff.

Der künig thut den brieff auff, list den unnd spricht:

Hie bringt man in dem brieff die sum,
 Wie fiel die Juden brachten umb
 Der ihren feind in meinen lendern,
 30 Nemlichen von streitbaren mendern
 Fünff und sibentzig tausent mon
 Auff einen tag man zeigt on.

Der narr spricht:

Es ist gleich recht auff diese dropffen,

*

Das man in thu den laimen klopfen
 Und untrew iren herren drift.
 Das bad den Juden wart gestift.

Die künigin Hester hebt ihr hend auff unnd spricht :

5 Herr Gott, danck, preiß, rumb, schmuck und ehr
 Sey dir hie und ewig immer,
 Das du durch dein vetterlich güt,
 Barmhertzig und mildreich gemüt
 Dein liebes volck hie hast erlöst,
 10 So gnedig erquickt und getröst
 Auß dem verderben und dem tod!
 Das sey dir lob, du trewer Got!

Mardocheus hebt sein hand auch auff und spricht :

Lob sey dir, Got, in diesem krieg!
 15 Deim lieben volck hast geben sieg
 Wider die uns in tod ergaben.
 Hast unser haubt frey aufferhaben.
 Das wöll wir allen Juden schreiben
 Und sol auch in gedechtnuß bleiben
 20 Gottes wolthat, das man als heut
 Forthin jerlichen leb in freud.
 Das soll fürhin genennet sein
 Die faßnacht allen Juden gemein.
 Deß wöll wir uns frölich ermeyen.
 25 Mach auff, spilman, ein züchtling reyen,
 Auff das wir uns alle erfreyen!

Nach dem dantzen geen sie all in ordnung ab. [K 1, 63] Der
 ernhold kumpt und beschleust:

Also habt ir die gantz histori
 30 Ein spiegel der götlichen glori,
 [ABC 1, 30] Auß der man erstlichen vernemet:
 Vasti, die künigin unverschemet,
 Ungehorsam, tippich und stützig,
 Hoffertig, prenkisch und drützig
 35 Dem künig nit wolt sein undterthenig,
 Sunder hochmütig, widerspenig

22 BC forthin. 26 BC erfreyen. 34 B prengisch vnde. 35 BC König.

Zu straff wurd auß dem reich vertrieben.
 Das ist den frawen fürgeschrieben,
 Das sie verachten nit ihr mon,
 Sunst nemen sie geleich lon.
 5 Zum andren die gütig Hester,
 Ein spiegel gantz weyblicher ehr,
 Gehorsam, tugentsam und frumb,
 Gotselig summa summarum,
 Des hat Ahaschweros sie hold
 10 Und sie gewert als, was sie wolt.
 Dardurch all Juden sie errett,
 Die ir leben hetten verzett.
 Also ein fraw züchtig und gütig
 Macht ihren mann auch gar senfftütig
 15 Gehn ir und all ihrem geschlecht.
 Zumb dritten bey dem Hamon secht
 Aller listigen schmeichler art
 Sich streichen umb die herrschafft hart
 Durch practic, lüg und hinterlist,
 20 Der denn zu hoff unzalbar ist
 Und manchen mann auff dfeisch-banck geben,
 Bringen umb ehr, gut, leib unnd leben,
 Das doch zu-letzt an in außgeht,
 Weyl nichts nit lang verborgen stet.
 25 Vor den hüt sich ein bidermon!
 So mag er unglücks vil entgon.
 Zumb vierdten bey Mardocheum
 Ein mann gerecht, warhaft und frumb,
 Gottfürchtig, der auß tieffer not
 30 Frey auffhaben wart von Gott
 Am hoff ins künigs regiment.
 Also kumbt allweg an dem end
 Frumbkeit und warheynt noch zu ehren.
 Das sol ein biderman sich kheren
 35 Zu erberkeit warhaft auff erden
 Die endtlich muß erhöhet werden.
 Zumb fünfften bey dem künig secht,
 Wie er so streng war und gerecht,

3 BC nit verachten jren. 9 BC Assuerus sie gantz. 28 O warhaft ge-
 recht. 29 C Gottsfürchtig. 34 ? Des.

- Das er verschont keiner person,
 So gröblich unrecht hetten thon,
 Dargegen barmhertzig und gütig
 Den frommen, so hold und senfftütig,
 5 Die er so reichlich thet begaben!
 Bei dem die obrigkeyt sol haben
 Ein spiegel hie auff dieser erd,
 Das sie gedechtnuß wirdig werd
 Nach ihrem todt bey iedermon.
 10 Zum ersten sollet ir verston,
 Wie gnedig Gott sein volck erret,
 Das schon den todt vor augen het,
 Durch ein weibs bild, darzu vorsehen,
 Weil durch in alle ding geschehen,
 15 Zu Got seinem volck ausserwelt.
 Solchs ist für augen uns gestelt,
 Zu fliehen hochmut und falschheit,
 Annemen demut vnd frümbeckit,
 Gerechtigkeith in allen sachen.
 20 Als denn wirt uns Got auch groß machen.
 Das unser ehr grun, blü und wachs,
 Das wünschet zu Nürnberg Hans Sachs.

Die person in die comedi:

1. Der herolt.
- 25 2. Ahaschweros, der künig.
3. Sein hoffmeister.
4. Der erst fürst.
- [K 1, 64] 5. Der ander fürst.
6. Hamon, der fürst.
- 30 7. Hatech,
8. Satech, zwen kemerling oder trabandten.
9. Hester, die künigin.
10. Die erst jungkfraw.
11. Die ander jungkfraw.
- 35 12. Mardocheus, der Jud.
13. Der narr.

Anno salutis M. CCCCXXXVI, am viij tag Octobris.

*

13 BC versehen. 20 K dann. 25 BC Assuerus. 37 Die angabe des
 monatstags fehlt BC,

HANS SACHS

HERAUSGEGEBEN

VON

ADELBERT VON KELLER.

ERSTER BAND.

FÜR DEN LITTERARISCHEN VEREIN IN STUTTGART

NACH BESCHLUSS DES AUSSCHUSSES VOM JULI 1867

GEDRUCKT VON H. LAUPP IN TÜBINGEN

1870.